

آبونه شرائطی

ممالك عثمانیه ده سنه لکی (۶۵)، آلتی
آیللی (۳۵) غروشدرد .
ممالك اجنبیه ده سنه لکی (۱۷)، آلتی
آیللی (۹) فراقدرد .

اداره خانه

باب عالی جاده سنده دائره مخصوصه

اضطرات

آبونه بدلی پشیندر .

مسلكه موافق آثار مع المنونیه قبول
اولانور . درج ایله یین یازیلر اعاده
اولونماز .

الشریفة

۱۳۳۳ . ۱۲

دینی ، فلسفی ، علمی ، ادبی هفته لقی مجموعه اسلامیه در .

صاحب و مدیر مسئول

باش محرر

والله یهدی من یشاء الی صراط مستقیم

محمد عاكف

اشرف اديب

اتبعون اهدکم سبیل الرشاد

جلد ۱۳

۱۲ مارت ۱۳۳۱

پنجشنبه

۹ جمادی الاول ۱۳۳۳

عدد ۳۳۲

حدیث شریف

عن راشد بن سعد عن رجل من اصحاب النبي صلى الله عليه وسلم
ان رجلا قال يا رسول الله ما بال المؤمنين يقتلون في قبورهم الا الشهيد .
قال كفى ببارقة السيوف على رأسه فتنة .

مال شریف

راشد بن سعدك اصحاب رسول الله صلى الله عليه وسلم من برندن
روایتنه نظر آ بری : « یا رسول الله ، نهدن بوتون مؤمنلر قبرلرنده
ملکینک سؤال و امتحاننه معروض اولیورلرده شهید اولما یور ؟ » دینیه
سؤال ایتدی . رسول الله صلى الله عليه وسلم حضرتلری : « شهیدک
تپه سنده قلیجارک پارلداماسی اولیله برامتحاندرکه یتر ، آرتار بیله . »
جوابی ویردی .

بوحدیث شریف سن نسانی حدیثلرنندرد .

حدیث شریف

من طالب الشهادة اعطيا ولولم تصبه .

مال شریف

شهادته طالب اولانه شهادت اجری ویریلیر . کندیسنه شهادت
نصیب اولماسه ده .

بوحدیث شریفی امام احمد بن حنبل ایله مسلم انس بن مالک رضی الله
عنهدن روایت ایدیورلر .

احمد نعيم

حدیث شریف

شهید البحر مثل شهیدی البر والمائد فی البحر کالمشحط فی دمه فی
البر وما ین الموحنین فی البحر کفاطع الدنيا فی طاعة الله وانا لله عز وجل
وکل ملک الموت یقبض الارواح الا شهداء البحر فانه یتولی قبض
ارواحهم ویغفر لشهد البر الذنوب کلها الا الدین ویغفر لشهد البحر
الذنوب کلها والدین .

مال شریف

دکز جنککنده شهید اولانک اجری قاره جنککنده شهید اولاش
ایکی کیمسه نک اجرینه معادلدر . الله یولنده دکز طوتان کیمسه ده قاره ده
کندی قاننه بولاش کیمسه کیدر . دکزده ایکی طالع آراسنده کی
مسافه ی قطع ایتکده ثواب بوتون عمرنی اللهک طاعتده حکرمک
کیدر . برده الله عز وجل حضرتلری بوتون ارواحی قبضه ملک الموت
مأمور بویورشدرد . یالکز دکز شهیداسی بوندن مستنادرکه بونلرک
روحلری قبض ایتکی کندیس درعهده بویورشدرد . حق تعالی قارا
شهیدینک بوتون کناهلرینی مغفرت ایدر . یالکز بورج مستقام .
دکز شهیدینک ایسه بوتون کناهلرینی مغفرت ایدر . بورجی ده
برابر .

بوحدیث شریف ابو امامة رضی الله عنهدن مرویدر . سیوطی بوحدیثی ابن
ماجه ایله طبرانیکن معجم کبیرندن نقل ایدیورسه سن ابن ماجه نک ابواب
جهانده بولونامادی .